

**Naaja H. Nathanielsen
Attaviitsoq**

**UPA 2016/142
13.maj 2016**

Upernaakkut 2017-mi ataatsimiinnissamut ilaqutariit pissakinnerusut akunnattumillu aningaasarsiallit nammineerlutik illutaarsinnaanerit pillugu Naalackersuisut suliniuteqaqqullugit inatsisartut aalajangiiffigisassaattut siunnersuut.

(Inatsisartunut ilaasortaq Anthon Frederiksen, Partii Naleraq)

Tamat toqqissisimanartumik angerlarsimaffeqarnissartik pisariaqartippaat. Atugarissaarnitsinnut tamanna pingaaruteqartupilussuuvoq. Kisiannili atugarissaarnermut piunasaqaataangilaq angerlarsimaffimmik piginnittuunissaq.

Isumaqarpunga inuiaqatigiinni naammaginaruusoq akisussaaffimmillu paasinnilluarnerusooq inissianik attartortittakkanik sanaartortoqaraangat, innuttaasut attartorsinnaasaannik. Isumaqarpungali aamma inuiaqatigiit pisussaaffiginngikkaat, innuttaasut tamat inigisamik nammineq pigisaqarnissaat qulakkiissallugu.

Inoqutigiinni isertitat ikippallaarpata arlaatigullu pisoqarnerani aningaasaqarnikkut inissisimaneq mianernarpallaarpat, isumaqarpunga naalackersuinikkut innuttaasut taakku namminerisaminnik inigisaqarnissaannik qulakkeerinninnissaq anguniagaasariaqanngitsooq. Naalackersuinikkulli inoqutigiit taamatut inissisimasut aningaasaqarnerat pitsanngorsassallugu anguniagaasariaqartoq isumaqarpunga.

Piviusuuvoq landskarsip aningaasaataasa ilarpassui tapiissutitut assigiinngitsunut akileraarutitigullu tapiisutitut inigisaminnik peqareersunut akissaqareertunulluunniit atortarsigit. Taakku pigissaarnerusut inoqutigiinnit ineqarnermut tapiissutisiaqartarsinnaasuniit salliutinneqarput. Tamanna naalackersuinikkut tulleriarineruvoq akileraarutitigut ineqarnermilu naalackersuinikkut agguariaasitigut allanngortinneqarsinnaasoq. Aaqqissueqqinneq pissutsinik allannguinissamik anguniagaqartoq tapersorsornartorujussuuvoq. Tamassuma saniatigut ilinniagaqassutsip qaffassarnissaa nunatsinni pisariaqartinneqartorujussuuvoq. Ilisimavarpummi ilinniagaqassutsip innuttaasooq aalakkaasumik isertitaqarnissaa qulakkeertaraa. Tamanna innuttaasut ataasiakkaat atugarissaarnerannut qulakkeerinnittuuvoq, tamannalu sutigulluunniit sunniuteqarnerlussinnaangilaq. Kinaluunniit ilinniagaqarnermigut ajoqusernavianngilaq, illua'tungaasitigut ilinniagaqarsimasut tamarmik atugarissaarnerikkut uuttueriaasitigut tamatigut pitsaaneruserumik inissittarput.

Siunnersuutigineqartoq tapersinngilara Naalackersuisullu kaammattorpakka inuiaqatigiit pisuussutaanik aggueriaatsimik naapertuilluarneruserumik anguniagaqartumik

Naaja H. Nathanielsen
Attaviitsoq

aaqqissuusseqinnernik aallartisaaqqullugit. Inissianik attartugassanik sivisuumik utaqqiffiusuni sanaartortoqartariaqarpoq. Eqqarsaatigisariaqarparput innuttaasut amerlanerusut ineqarnermut tapiissutisiaqalersinnaanerannik periarfississanerlugit. Tapiissuteqartarnerup iluani nikinganerup allanngortinnissaa qunusuilluta iliuuseqarfigisariaqarparput.

Oqallilluarisi.